



南巡盛典

天章

卷三十四卷三十六

784
L.199
14



74
卷

南巡盛典卷三十四

天章 乙酉 江南

詩

迴蹕至蘇州

廿日如杭來往途翠華迴復駐姑蘇一天霽色皆
喜色萬姓難誣實不誣瞻就何曾有所避遮留寧
忍弗云俞近行宮門有數十老民叩
請多留數日心甚憐之甫來已自戀
將去赤子於親定豈殊

三賢堂再疊高啓韻



唐豈無循吏於蘇稱三賢韋白及夢得有似召杜
傳日計雖不足月計有餘連常遣去後思思以民
瘠瘞至今留堂名把臂同登仙疑當勝瀛洲文學
遨溪川我欲尋舊蹟有如玉井蓮可望不可見
古徒情牽重建亦早毀空紀紹興年葺修厯費財
不如付荆煙然弗毀者存可知媿與妍再疊青邱
韻摘藻翰墨筵勗哉良有司視此旌淑篇

再遊獅子林

本擬行宮一日閒念民瞻就策天閑是日本欲駐蹕不出以便

民瞻就故特命駕一遊獅子林寧論龍井煙霞表若論湖山佳景則固遠遜龍井

矣却愛獅林城市間古樹春來亦芳樹假山歲久似真山小停適可言旋耳寓意非因暢陟攀

出閭門復遊西山諸勝遂駐靈巖得十四韻

五日駐金閭從民願觀光寧宜耽室靜非為去聲攬

山芳日日徐鳴轡依依近捧裳觀茲親切意益厘

養教平聲方城市過繁庶村亭接短長麥纔吐穗綠

菜遍綻花黃劓憶支公遁泉臨趙氏莊巖葩爭染

繪林鳥各調簧春暖雪猶落澗飛千尺強法空螺

自現寺具四禪匡小坐情何戀一遊興足償范園
便仍憩吳館近相望擬宿三更月聊成五字章青
蓮如有問來去兩俱忘

題高義園藏范仲淹書伯夷頌

韓辭范楷伯夷躅俱是千秋第一流必自卓標天

地節用昌黎頌中意方堪坐解廟堂憂用文正岳陽樓記語富弼文

彥博題者真同道卷中有二人題句秦檜賈似道當之豈不羞

二人皆曾藏此卷高義園誠賴有此勗哉何以繼箕裘

白雲泉四疊白居易韻

山腰清泚噴靈泉白傅當年好是閒一覽便行不
烹茗恐妨煙火溷其間

題龍門再疊高啓韻

每遇佳山水愛尋古人蹟尤喜汗簡青足消虛室
白天平有龍門不識何年劈季廸本吳人恒此娛
旦夕奇想託豪吟五字光巖石披芸久入誦來往
吾懷積今巡重攬勝當面可成隔萬叢林欲關一
線天猶窄宜遊神仙侶足穩蛟龍魄徘徊還罷登
翹首眄雲壁兩番賡險韻逸興仍勃激何必定夏

南遊盛典 卷三十四 三
陽空傳顯與額名字亦已紛安所徵往籍不如返
勤政棲遲讓煙客

宿靈巖寺用趙嘏韻

重來依淨界高處俯滄洲不見吳宮月空餘古井
秋景光宜靜託詩句和名流心洗太湖水澹然恰
映樓

上方山楞伽寺

路便楞伽又竭來峰藏陰霧記前迴目欣春景茲
酣暢心與吳雲共豁開出樹依然標峻塔臨湖那
藉起層臺莫釐翠色在襟袖興託高岑有別裁

遊石湖再疊舊作韻

石湖宜雨復宜晴都爲去聲山川秀且清詎彼畫家
能爾貌縈予懷者最民情幾層峯色背檐挹一片
波光面座迎小坐因之憶成大愛他詩格頗道平

聞京師得雨

閏二月十九日

迴蹕杭城憶薄陰

即閏二月十九日是日薄陰未雨

農桑關切爲

民心詎知四寸霑京縣早喜連朝霽武林安得雨
暘若寰宇念茲宵肝惕冲襟姑蘇晴矣雲還聚豁

朗仍教望不禁

遊虎邱雲巖寺

雲巖重至不因山露冕因民瞻仰顏虎阜松篁晴
益蔚劔池蹊逕昔原閑生公願力依稀是短簿風
流想像間遍野黃金菜花茂今來真不負躋攀

再疊高啓虎邱次清遠道士詩韻

清遠非凡人生殷而逮漢四海為遨遊有似仙籍
竄曾攜沈恭子虎阜來登翫危磴陟峩峩平湖俯
渺漫清辭託鬼神古格泯崖岸常聞子不語怪力

與神亂顏

真德李裕

皮

日龜陸蒙

輩母乃失以半豈其

意別寓曠懷偶紆散青邱千載下險韻和一旦而
我復何為兩度揆吟翰吟罷忽怵然或有同高歎
設使登廟廊寧不資日贊

蘇州啓蹕作

翠華五日駐蘇城適可平明返蹕旌展義兼應臨
白下省耕要欲趁春晴攀留親意過平聲尊意觀察
民生即我生却是尋常無戀者不能無戀此輿情

遊寄暢園疊舊作韻

勝地寧當日送鴻屢來熟路自知通一橋橫駕琉璃上數字迴懸琬琰中景到春前畫不若境惟塵表句難工書堂小憩傳清蹕欲趁佳辰禮梵宮

聽松菴竹鑪烹茶作

香臺右轉僻蹊循知有茶菴幽絕塵松籟已欣清滿耳竹鑪何礙潤霑脣四巡來往皆曾到幾卷圖書各有神祇恐諸人或致誚吾原不是箇中人

漪瀾堂壘前韻

泉上呀庠宛有堂髯仙題額特輝光源頭知在若冰洞波面看成大塊章木榻橫陳一泓映石欄周繞四圍方未能久此耽清賞祇有勤民厯念長

若水洞

靈泉本有源嵌洞自爲丁夏涼冬却溫德水無增減伏脈復淙津水洊至習坎醜爲方圓池淨碧圍朱檻前度與今番流陰信荏苒不遷者固存崕崕及澹澹草堂何處尋高風緬宋湛

艤舟亭再疊舊作韻

髯翁遷八州浮踪不繫艇其不遷者存至今遺佳

境當年艤棹時水流人自靜侗緬高風徘徊發

清省孤舟野宿際

東坡有除夜野宿常州城外詩蓋卽此意

遠火殘燈

景

櫟括蘇詩意

屈短奚足悲信長詎非幸棲禪固翁志

想亦心所肯松竹益深邃鐘磬時冷警堂堂坐金

仙伏魔那用猛雖曰此頻來而每興懷永得句便

解纜五兩揚帆影

自丹徒跋馬至象山渡江駐焦山

三度駐金未駐焦

辛未丁丑壬午往來渡江皆駐金山焦山雖屢到曾未一駐

隱虞頓置笑松寥

菴名在焦山

迴鑾得趁一時興策騎

偷消十里遙

是日較至金山近十里

信是無雙棲淨域還因

有暇陟崇椒水天俯仰惟空濶小矣奚稱隱士招

鏡江樓

有象皆呈照無風亦作瀾何妨大圓鏡遂凭一層

欄雲散高空淨潮來兩岸寬金山卽蓬島訝却向

西看

題瘞鶴銘

漫漶全文惜湮滅重書圖駐脆中牢

舊銘已剝落不成句讀丁

丑曾重書一通以圖經久然能保其歲久不似舊銘之剝落耶舊銘石仍藏寺中構亭覆之究

誰定論歐

陽修還董

道

徒致訛傳顧

况與陶

景弘

曠觀堂

構屋古譙尖曠觀暢六兼雲開繪春麗風靜寫波
恬天水無邊濶蛟龍一任潛述懷誰雅稱

去聲

花筆

緬江淹

焦山觀古鼎作歌再和沈德潛韻

焦山初萃羽衛屯金山西望真弟昆大江浩浩勢
莫並羅刹奚足稱抹坤三度此曾未一駐頓置自
謂非溫存丹徒策馬尋野路北固迴望猶高蹲剪

流片刻達彼岸眇影已覺清神魂重書瘞鶴碑宛
在舊碑仍弄屋漏痕僧庵鎮寶定何是合屬周鼎
寧虛言龍光鳳文騰駿犖古色可觀不可捫詠事

義正王銓部

王士禛七言詩
刺嚴嵩最詳

釋文古博程崑崙

程遂

釋篆文刻
焦山志中

後來老沈歌亦好皆足佳話傳空門憶

我辛未喜翔遇長歌曾和元音渾丁丑壬午姑舍
是見則見矣仍祇園茲來勝境住信宿風恬浪靜
峯黃昏登臨興畢憩虛室洪篇險韻從頭論聚星
孤嶼例尚在萼山京口跡早吞滄桑有變鼎不變

南遊錄 卷三十四
永同譙阜延高奔冊令世惠衣錫元隳括鼎恒看
虹彩燭紫闈識語

高資港詠古

京口東辭舫石頭西問郵高資今有詠庸主昔無
憂一旦燕兵過千屯明甲收謂守將童孝孺乏畫
策割地是佳謀俊迎降

慧居寺

梵宇寶華陽莊嚴殊勝常石壇授五戒銅殿壓諸
方庭有禽聽唄厨多鼠守糧香積中多鼠呼之卽至而不耗糧蓋僧離

飼養者謝參黃葉拂期結白蓮場輪演無生法燈傳
不盡光迴輿度耨水清磬尚悠揚

遊棲霞山疊舊作韻

三載重來遊攝山紅霞棲見碧峯間南齊古寺依
然在建業名區好是閒付與僧人坐享逸登其鳥
道步忘艱騁懷遊日須臾得長此非宜大合閑

武夷一曲精廬

名山初步未云深峯有神姿泉有音比似武夷纔
一曲許多奇境自茲尋

太古堂對泉有作

座對白鹿泉有堂名太古泉高與座平遊魚清可
數漸下滙小池亦復侵堦礎求仙固誕事招隱徒
虛語緬思羲皇來不改者惟汝

春雨山房

行春今日喜春晴總為去聲民間桑與耕分付山房
斯實好再三不用善循名

用劉長卿棲霞寺東峯尋南齊明徵君故居

韻

世殊數百載厥宅訪何從但自存高致無妨問故
峯入雲尋玉徑鐫石現金容春日重臨寺六朝尚
有松影標霞際塔聲落講時鐘唐吏將齊隱忘年

任相入聲逢

夕佳樓

面山則然背山否向西更喜開窗牖山氣日夕斯
益佳霞蔚嵐蒸入虛受悠然之意真不凡取以名
樓聊亦偶柴桑平原出處同吁嗟於我誠何有

萬松山房

餘杭亦有嶺田盤亦有寺茲以山房稱四隣延古
意春濤颯似秋蒼幹老益翠時閱南齊流艷任山
花媚落落如有云誰此同氣類

戲題般若臺口號

般若卽空還卽色石臺非古亦非今山僧舉似全
不識合掌門前候駕臨

德雲庵

點綴蒼巖藉紺園竺庵鑪火自溫存德山設問誰
當見謾謾松濤戶外翻

題九株松

古幹當春翠越濃蟠鱗振鬣各如龍根傍坐合讀
周易用九乾元是正宗

疊浪崖

浙海觀雄濤卹謂奇無比誰知遊攝山崖浪復見
此崖沓去更迴騰激伏還起素車與霓旌胥種疑
驅使盡態兼極妍萬狀難議擬莫謂獨無聲傾耳
松濤是

題幽居菴

詭石叢中仄徑脩惟虛惟靜得相投千年古樹當
軒立一迳寒泉繞砌流休烈曾斯着筍弁元微何
異被文裘小停門外催行蹕笑問幽居幽不幽

登最高峯

幽居跋馬上崇椒造極悠然憇敞寮與顥氣俱卽
仙境喜春雲淨協農謠平臨白下懷遺蹟俯視長
江映碧寥山峙川流自千古那知興廢有南朝

玲峯池

最高峯處降從容咫尺園門覲面逢下馬肩輿仍

陟巘園中此又最高峯

玲石攢叢中有池渌然天半鏡光披誰能尺丈量
深淺山出內雲無已時

淆之不濁澄不清妍及媿因鑒者呈此與繖山孰
先後其詳應問尹先生

題張宏棲霞圖疊舊韻

每遇佳山願結朋棲霞重此事遊登古來多托烟
霞客今代殊艱雲水僧妙蹟頻教相印證會心端
不在工能偶然題句書空白亦似鑿崖以日增

燕子磯

一峯飛插長江裏其勢翩翩疑燕子我來四度亦
四登翠壁丹崖信如綺地險山川雖有言失守誠
同衣帶水凜乎馭朽磐石安底須天塹徒恃此

遊觀音山永濟寺

飛閣臨江寶筏然普門願力度人天我聞不住是
常住底用孤舟鐵鎖牽是處俗有鐵鎖
練孤舟之名

望幕府山有詠

過江見幕此山頭對泣曾經薄楚囚可惜茂弘言

固正究何嘗克復神州

駐蹕江寧再疊舊作韻

又歷胥江與浙區上游建業蹕當紆六朝文物於
斯盛南國提封莫此都高下山川爭畫麗芬菲草
木賀春蘇對時曾未相孤負恒有懋勤研匣俱

賦得稼穡惟寶

得夫字八韻試
江南士子題

稼穡資生貴如斯寶更無賦成范文正雅述芮良
夫弗草興后稷耕山肇有虞此誠天下本亦實萬
民須播植披沙似豐登照乘逾心臧土物愛志喪

南遊盛興 卷三十四
旅葵吁暘雨常祈若胼胝莫忘劬珍求宜戒彼玉
食每慙吾

題宋院本金陵圖

王氣埋金秀且雄六朝文物擅江東試看負販輿
僿輩都有謝顏徐庾風

筆妙得神已去形高樓斜矗酒旗青桂枝香詠臨
川好遺曲猶聞唱後庭

佳麗東南信莫儔勝朝猶自建都留趙家歌館寧
相讓別有輕烟翠柳樓

瓊窻綺榭簇勾欄密意酣情各締歡官伎遺風自

唐宋

官伎之設最爲敗壞風教而姜南蓉塘詩語
乃艷稱明初縉紳宴集皆用官伎與唐宋同

且以後始有禁
爲惜繆盪甚矣

政成何體汚衣冠

幾經富庶幾離亂富庶歡娛離亂愁祇有秦淮一
片月溶溶無意照千秋

畫品穠纖出內家九衢萬戶鬪豪華秣陵五國天
淵隔一例東京錄夢華

謁明太祖陵

崛起何嫌本做僧漢高同傑又多能每當巡省臨

華里必致勤虔謁孝陵一代規模頗稱樹百年禮
 樂未遑興獨憐復古非通變翻使燕兵釁可乘嘗謂
 太祖以建文為太孫及分封諸子豈非欲復古而
 翻以致禍使擇賢而即立成祖且不分封豈有靖
 難之事哉

遊靈谷寺

孝陵卜幽宮靈谷遷古寺遷復閱歲古瓦獸荆榛
 墜後人惜湮滅稍稍事檀施豈能復舊觀百什存
 一二道林與開善誰更辨名字一切有為法金剛
 六如蔽小憩便言旋行雲無繫意

賜安徽巡撫託庸

又下大江來舟行許扈陪率因諮眾隱遂以訪羣
 材節操古松似精神秋水哉恐妨悞程吏數日便
 教迴

賜安徽學政梁國治

亦我特掄元居然經濟存因之南海郡國治頗通吏治因授
廣東惠潮道尋命攝副都御史晉吏部侍郎出典學政旋返本衙門皖歛俾
 司鐸江蘇來謁轅最哉實踐處文行此為源

閱武 江寧

江左雄都駐八旗時巡武備合觀之開營頗牧宣
方畧置陳韓彭聽指麾平樂何須九重蓋昆明慢
襲一泓池太平門箭今猶在太平門鐵扇有勁簇貫其上國初領兵都
統譚泰所中也土人因口傳為澹臺箭云嗟爾行間勗効為

雞鳴寺

雞籠山上雞鳴寺閱武因之路便遊峯不在高頗
延矚境惟遠俗有相投初登舊詠疑如迓小坐春
雲看漸收是日小雨即止正喜晴光開一片綠芄麥處放
眉頭

遊清涼寺

山寺夷巖俯石頭行春得暇偶來遊入幽已自清
塵念造極還堪縱遠眸禁苑昔年何帝宅長江千
古客人舟便蓮宇亦時興廢一切有為孰久留

寄題掃葉樓再疊舊作韻

清涼寺裏望書樓擁帚遺風萬古秋不辨題名自

誰氏誌書不載問之地方官亦稱莫考詩中鄭陸村從頭

題文伯仁金陵十八景

三山

三峯突兀大江濱曾是南朝衝要津今日畫圖聊寄詠惟懷鮑謝鮮齊倫

草堂

周子草堂北麓陞孔家見說有文移至今謾謾松風處不異當年竊吹時

雨花臺

無語維摩絕妙談天花落弗著天男雲光梁武曾何謂越是重儻越不堪

牛首山

石闕誠如天闕披但司馬未足當之峽峯對峙青雲表詆蕩銘辭緬陸倕

莫愁湖

南邦何事最風流樂府新詞唱莫愁兩字無邪蔽三百諸名士此亦思不

攝山

俯臨江介迴凌雲攝卷堪資藥草芬幾度棲霞覓殘碣神馳江令有佳文

鳳皇臺

貝 日

永昌大鳥集元嘉改里稱臺瑞應誇設使葦蒲生
桀代與荆棘亦有何差

新亭

餞客迎賓列榼醪虛亭恒是閱勞勞

寰宇記新亭
卽勞勞亭

桓温兵衛紛陳日安石方知度量高

石頭城

石城倚壁復臨江地利誠云險絕雙何事南朝諸
帝子豎旛每見舉宗降

長千里

延屬長干最古區興亡曾幾閱吳都祇今惟有春
前柳依舊青青入畫圖

白鷺洲

二水南來洲間去聲之青蒲白鷺渺無涯片帆到此

誰將泊疑是謫仙暮宿時

李白詩暮
宿白鷺洲

青谿

發源鍾阜入都城大內經流幾曲清妙舞新歌久
閱盡官蛙尙作舊時聲

燕子磯

南遊盛典 卷三十四
插江當日此雄磯振翼翩翩儼若飛此際漲沙成
沃土春來惟見麥菲菲

太平堤

太平門外太平堤烟柳雙行葉已齊
蘸影後湖真恰當碧連上下總淒迷

桃葉渡

渡口名因愛妾留都誇子敬特風流
爾時樂地在名教那在歌欄與舞樓

白門

當日宣陽築六朝雕梁鏤窰久沈銷
白門名獨傳

闐闐道是依稀內小橋

內小橋坊在行宮南
三里云卽白門遺蹟

方山

方阜常棲隱者流秦淮經下水悠悠
賀循迎得因張闔曾幾分裨克復謀

新林浦

港出牛頭江水通謝家江樹辨滄濛
連朝近攬兼遐眺總在德承幾幀中

朝天宮再疊蘇軾韻

眉山當日憶茹薇建業登樓興早歸七字詎惟舒

思去聲作千秋何獨和吟稀吾方夏諺懷遊豫那向

陳編辨是非紙牒金刀却鄰誕明史記事本末傳會建文遜國時出

明祖遺篋得度牒袈裟帽鞋剃刀出會於神樂觀云云以所經鬼門水關計之神樂觀當即今之朝天宮然其事荒怪無稽固不得為正史傳信也

畧傷往事立斜暉

大報恩寺

城南耆域化人居古蹟金陵莫此如石鼎然香超

六度柏檀聞唄辨三車鈴音替戾飄洪漢塔影穹

隆接碧虛小坐旋教清蹕返觀民展義務殷予

戲題雨花臺

聞道文殊問病由雨花摩詰座無留法師便果誠

能致已落人間第二籌

祖堂

融公住石室修道虎來馴燦祖教傳頓信師法授

真獻花來百鳥說偈演三輪牛首宗風闡山容歲

歲新

金陵詠古

鍾山

建業名山東北隅壓城用武古常趨洞天信第三
十一爭勝何當資霸圖

石頭城

建安徙治已成城石壁曾經幾戰爭周顛戴淵均
往事底緣袁粲獨傳名

長千里

江表名都里巷稠六朝想見最風流前明體恤猶

稱美官妓沿唐宋之舊而明代為尤甚時人目為
客妻至蓉塘詩話則以明初盛行為美而後

之申禁為非真聞有輕煙翠柳樓
敗裂名教之語

古新亭

勞勞當日古新亭山色江聲畫裏停啜泣坐中嘆
周顛何如王導正言馨

烏衣巷

燕子寧知王謝家彭城七字特清華元規來既角
巾去邨更臨風舉扇遮

邀笛步

幾曲青溪宛轉流橋邊絲柳受風柔桓伊縱有通
靈伎不及豪邀擅子猷

華林園

翛然林水本閒區
列肆何堪淨域汙
堅若到公石
弗見華光遺跡
自應無

樂遊苑

藥園山借覆舟屏
禊飲當年泛醪醴
夷考蕭陳無
足紀不知甘露為
誰零

鳳凰臺

大鳥元嘉集秣陵
至今臺以鳳凰稱
青蓮豪氣三千丈
七字誰當繼韻能

何點宅

烏榜村園尚有名
千年那復辨軒楹
春來幾樹梅花發
水部風流鎮若生

南巡盛典卷三十五

天章 乙酉

詩

江寧旋蹕再駐棲霞作

巡方諸典大端成戒在從流返旒旌鍾阜迴看林
 外隔攝山乍見面前迎一宵巖館聊眠月萬頃麥
 田喜烘去聲晴詩句已多圖靜賞景光其奈每牽情
 再詠沈德潛遊攝山十二首詩韻仍令沈德
 潛並錢陳羣和之

南遊盛典 卷三十五
一
金山坐棲霞前設大圓鏡那藉綵虹橋方臻武夷
勝韶春復南巡綉茂旃旌暎建業諸務畢重事探
幽篁入門先濯清天水當前淨憶革不觀魚一任
澄波泳

右綵虹明鏡

繖山迴絕塵幽居幽之最然逢濟勝流何礙蹊成
兌往者尹與沈清遊並肩背憩息長松下甘棠擬
勿拜倡酬因有詩興託清涼界郵箋會和韻又逾
兩年外

右幽居

一
嶒崟背屏峯液澗面帶澗精藍構其間棲霞之別
院七處徵惟心六度滿以願天花散淨芬甘露垂
法濺中峙般若臺津逮廬溪汧可同慧遠修淨土
乃真幻

右般若臺

一
一氣鬯百昌洪鈞善陶冶山中亦有桃天天而灑
灑靜非時世裝是真阿蘭若精舍忽對之窓前數
枝寫齊隱晉徵士其致豈殊也

右桃花澗

對峯構書閣借峯為屏障高下鑿金仙一一皆殊
相小巧笑鬼工大法營天匠北同居庸側南憶靈
隱上居庸關及靈隱飛來於密斯退藏六合斯彌
放詎日始僧紹迺有此奇狀叅禪實無暇或可一
憑望

右紫峯閣

徐鉉曾有言古者冠無帽江左始著稱燕居便私
好題峯殊不稱去聲有似緣木釣我為易玉冠俗名
一以掃老沈屢有詠精神乃畢肖何必定烏紗嚇
彼宦途耀

右玉冠峯

跋馬劣崩間周旋多石佛峯迴路轉處滿月殊不
一化身豈無謂蓋欲普濟物物無不度盡寂照坐
巖穴試看春彙昌熙熙登寶筏日相即非相慈雲
亦須豁

右千佛巖

曾觀會昌圖九老松其色茲松乃其株落落性孤

特或貌彼九人永壽無終極沈亦九之一祝嘏沐

恩錫

辛巳恭逢 皇太后七旬大慶集在朝諸

王文武及致仕大臣年七十以上者為九老

凡三班並繪成圖德

今古豈迴殊延年在貞直小

立佳蔭側偷閒偶遊息底事頻命賡愛卿有古格

右九株松

疊石豈人工富媪為

去聲

皴皴稱浪自何時太古此

起伏舒如匹練鋪急似萬馬驟變態既不一在川

忘陟岫固宜隱者棲那杜詩客走奚必冷泉亭始

聞嘯猿狖

右疊浪崖

萬松闢林關欲斂意先肅委宛步深逕曲欄縛野

竹太古以來色三春不知燠疑有偃佺逢方瞳髮

飄綠將擬與之言謾風下巖谷

右萬松臺

幕府識泉性剪草剔泥滓聚少勢成多疏闕流因

駛就中白鹿最一泓院墻裏導出灌鱗塍資潤不

計里實足惠農氓春省為

去聲斯喜

右白鹿泉

知有最高峯進步力須努天風落碧空萬籟奏叢
楚岷岫夫何礙緩轡跋予馬俄亦造其巔北瞻俯
江許南眺形勝多盤龍復踞虎六朝事已紛慨然
一弔古重賡紀再遊那辭雷門鼓錢起不可默騰
賤因老姥

陳羣與德潛並居林下吟眺之興畧同而是篇尙闕和作因示此督之

右最高峯

渡江至金山

江浙載巡狩典成清蹕還觀民胥敬事問景敢偷
閒烟意桃霞表晴光麥浪間南風送五兩片刻達

金山

靜瀾堂

玉嶼大江中蘭堂曠望通氣連巫峽白日湧海門
紅何必懷觀水恆斯遇息風四巡庥社疊益勵慎
淵衷

金山夕景

北雨度江疾似飛西風捲雲淨如掃江山佳會適
於茲紅樹碧峯輝夕照博古撫蹟胥且置聊因無
欲觀其妙妙高臺上小徘徊我與髯翁豈同調

渡江駐蹕高旻寺行宮作

蘭舸渡江津花宮及暮春毋奢仰

祖訓

恭讀皇祖御製行宮詩碑有莫遣爭能縱
慾奢之句序復引漢文惜露臺事以示維揚商

民切允宜遵守

垂訓深有事此躬巡機鑑惟勤政情田祇

厘民覲揚睭後矣

巍蕩共

高旻

題大觀堂

江浙省方迴三春蹕館開白棉飛苑柳青子綴庭

梅旌茂于焉憩琴書此重去聲陪循名玩辭象頤若

益深哉

遊平山堂卽景禱詠

去時春仲來春暮真是春光馬上看祇有風流賢

太守千秋名在碧峯端

北瞻崑軸廣陵南園倚虹橋鏡影涵設使武夷徵

故事便當九曲自茲探

綠柳陰濃曲岸頭緩移畫舸惠風柔青琅玕館凝

神盼誰道尋常竹有秋

侍衛銀牌賜老人渴恩便奪亦情真可知半日行
春舫不為閒遊為省民

暖香明艷正含嘉幾架雲棚護惜加不讀廬陵歐
氏序誰知天下有真花

麗日輕風喜朗晴麥田吐穗待秋成今朝功德山
頭望始覺吾心暢快生

平阜池堂俯碧漣已看荷葉出田田傳花命酒圍

嘉客

即歐陽修在揚州事

高致當年在眼前

坐惟片刻未斜暉問景聽稱馳驛飛

尹繼善每稱遊山似馳驛

然過而不留實予本意耳短句八章聊紀事足酬佳興可言歸

維揚旋蹕作

南巡往返路胥經古郡因教兩日停三月煙花雖
入畫邦溝春水合揚舫民情到處皆親愛我意無
時忘撫寧最喜雲消輝旭影宜暘夾岸麥蔥青

題夏圭山水

落落喬松遠遠山人家多住綠筠間展圖恰在維
揚道真境真情共往還

山意雄渾水態潛淋漓元氣却安排稼軒已自歸

烏有弄者誰知耕石齋 見卷前錢謙益識語

過金灣六閘書事

西灣接東灣落低向所命 上次南巡親臨金灣相度以東灣滾壩前已落

低命將西灣亦落四尺俾湖河入江之路益暢而其鍵要尤在視高堰水誌展拓清口為釜底抽薪

之計五壩始無溢漏常瀉運水餘入江斯捷徑絜

下河田廬頗資利賴 去聲要實清口尺寸為親定五壩無漏厄下河屢豐

慶憑舟觀局勢幸矣籌偶應更張亦奚必多言徒啟競顧語司河臣守之仍在敬

禱言

大船動移艱小船轉旋利以之受重載始知遠不
遠大船進每遲小船行常疾順風揚廣帆落後乃
如失香象不似狡兔便其勝負馱若祁連蟻子爬
沙終日走弗及封駝一步遷君子小人別乎此不
取目前可言理

洪澤湖四依

皇祖詩韻

南巡四度事非虛洪堰籌安淮及徐頌致萬民益
增愧詎予信實及豚魚

閱接築高堰隄工詩以紀事

一律甄工運口連崇墉憑閱實牢堅葳功卽在迴

巡後

高堰石隄爲洪湖防障而武家墩迤北以工緩未修癸酉秋漲危而復安因命築以甄工

千餘丈俾資扞禦壬午親蒞指示復命自甄工止處一律接築屬於運口該督於迴鑾後鳩工修築

茲臨閱視則堅甃屹然延亘益覺緩急可恃前所籌定五壩水誌暢開清口又幸邇年未遇霖潦湖

水未致侵溢然伏秋拍隄之水究在隨時宣洩得宜斯則河臣所應加之意而不能一刻釋諸懷者

也防患要於未事前平日原常見渚出汛時云每

到隄邊雖然清口籌疏淪南望夏秋心總懸

四依

皇祖閱河隄詩韻

巡方兩閱月渡瀆逮還宮吏治課惟悉河防厯莫

窮洪隄千載固運口萬艘通

祖

考垂經制真同

天地功

渡黃河述事

無風更戢浪鼓柁不移時屢奉

大安渡均邀

明貺垂

豫遊良已愜

尊養合從茲

敬念 皇太后高年不敢復奉以遠巡江浙矣

南望渺烟樹

民情繫我思

桃源耕者

辛未過桃源高斌奏曾記云此地耕者猶能存古

制鳴鑼合羣力相與勤種穡不獨其言然隄旁呈

覽試此實任郵風因之記五字丁丑及壬午兩度

經斯地未逢向所見茲用諮大吏

問之大學士尹繼善始云不知

後復博詢屬吏皆稱無其事

則稱行實難而且無其事斌豈欺

予者蓋受人欺蔽觀過可知仁重吟誌詳細

安瀾

龍王廟再疊舊作韻

德水方遵陸

上次南巡迴蹕由順河集登陸今則乘舟直至德州便於沿途閱視運河

情形圖因閱運河蘭舟溯洄溜桂棹艤清渦放淤兼

觀績

是日小駐御舟登岸詣廟瞻禮兼閱夏家馬路放淤工程

升香謝薦歌千

秋垂

聖額

廟懸 考御書額

皇三度此欽過予意望非別

神麻冀曰何安瀾佑黎庶洪瀆永寧波

復聞京師得雨 三月十八日

北方春雨霑惟是去年好今年如去年此慶逢誠

少南方自澤國憂過平聲不憂小即今數日晴始幸

麥可保仍縑江以南馳問資參考江南春雨稍多昨浙江撫臣奏

至亦稱三月初一以後節次得雨恐太過或於菜

麥蠶桑有礙因傳旨詢問浙撫熊學鵬蘇藩蘇爾

德令將邇日晴雨情形及春收到處厘農功稼穡

分數若何即行馳奏以慰厯念

斯惟寶行將歷齊燕良苗閱沿道然詎敢心紓西成尚猶早

過伊河入運口

圖欲瀉微湖尾閘大疏治韓莊閘迤西伊河就下

利其餘彭潘口均自荆橋出前年率剔鬻魚臺金

鄉多涸地即今過伊河入運實暢遂然上源來少

濟寧清臨清水虞匱顧漕慮棄農農顧防漕棄籌政

所以難兩全益艱致

舟行入山東境

去時遵陸返乘舟一水殊分徐魯郵是日晴光明

翠柳前旬雨澤渥來牟北河漕務心勤度入聲西郡

民風目始謀

運河一帶為山東西境

濟運籌農胥要計戒更

張亦厘詳求

韓莊開

韓莊實洩微湖水籌涸金

鄉魚臺

開建新

魚臺金鄉諸縣

之水皆滙微山湖夏秋坡水漲溢魚臺一帶每多積潦之患既疏伊家河以醜其流並於韓莊西岸建滾水石壩以殺其勢甲申春撫臣崔應階請濬治微湖下游因命故協辦大學士公兆惠前往會勘以湖口舊開宣洩未暢議於舊開北添建新開使湖水暢流入運開成而數縣瀕湖沮洳悉皆涸出民得賴以乘時耕種

濟運利農期兩益每因觸境憶賢臣

過荆山橋

橋長三里計納水原自寬侵尋沙淤之微湖去路艱因之事疏剔本圖洩漲瀾沙弗遠運去積隄齊橋欄占河十之六功同不疏然大吏前致辭已足受漲川徒觀隄以外齊橋芄麥田橋建苟非虛河疏功乃捐二者必居一吾心實未安於凡待目擊吁嗟此實難

渡黃河至徐州

彭城深厯念有事閱河防枉駕陸遵坦進舟日未央

天光澄映碧川氣鬱蜚黃浪靜邀

神佑滋因敬不遑

閱徐州河隄有作

南固石隄北土隄

徐州當大河之衝向年屢經水患丁丑南巡親閱視命於河

南岸添甃石隄俾緩急益足恃而北岸土隄則戊寅夏遣大學士劉統勳來徐相度議築以禦漫流

而東河勢使攻沙者也兩隄既成城郭民田皆資利賴連年頻獲豐稔閭閻景象恬熙巡蹕經覽深

為慰悅利農護郭備俱齊今來不藉多籌畫祇覺民

生益暢兮

題黃樓三疊蘇軾韻

疊險寧非滕口說每遇蘇詩興軒發黃樓三登可

默去却慮格卑緣手滑遐想當年事脩築豈有閒

情辦布襪東坡詩已辦布襪青行纏隔時水退遇重陽把瓊對

花恣豪呷憶我丁丑始莅此急葺石隄舉籠鋪是

時災餘百室空鵠面鳩形可憐殺壬午重來則改

觀雲龍酬惠起神刹徐城河隄自丁丑親臨相度各工脩舉數年來閭閻生計

滋阜因就雲龍之岡勅建田有農夫荷鋤耕屋有

織婦鳴機軋卽茲元氣實大復倉庾陳陳相因壓

為民愁亦為民慶城樓埠坭俯鬱鬱綈几清閒命

墨娥錦屏馥郁噴金鴨旋教清蹕轉行宮老幼歡
隨走鞞雪

惠佑龍王廟疊舊作韻

盛德贊

天緯鴻功著地宗一方賴呵護三拜肅儀容民氣誠
云復

神歆益致恭著乾得九五雲起定從龍

遊雲龍山

蜿蜒如龍從以雲剛過細雨滌埃氛高踪那慕張

隱士佳政猶思蘇使君樹裏有禽皆雅韻巖間無
卉不清芬閭閻元氣洵稱復羣擁鑾輿共爾欣

試衣亭三疊蘇軾韻

寧同歸去賦吹衣赴選忽忽趨夕暉身共山人

謂張

天驥斯則託心隨旅客

謂張斯厚

彼焉飛

戲題放鶴亭

雲龍瀛嶼虎邱巔都有亭因放鶴傳我亦山莊聊
仿作祇虞貽笑彼胎仙

彭城三詠用賀鑄韻

戲馬臺

漢王鬪智斷項王願挑戰摘嬈決雌雄驅騅疾雷
電樓煩瞋叱辟易開海春軍敗引兵來鴻溝分割
歸都邑無事掠馬臨崇臺共逐秦鹿誰得者始禍
皆由鹿作馬函谷不封一泥丸咸陽三月火燄盤
其興何暴亡亦疾半夜氣盡方識難雲螭月駟雖
調閑都入漢廐掌漢官獨不見千秋名尚留楚牧
乃復有劉宋賓筵泛杯綠

斬蛇澤

君不見九原除道抵雲陽力役無已秦以亡龍顏
隆準天子氣坐厭金德銷沆碣送徒道遁何足懼
索與解縱恣去路吾亦逝矣壯士從夜徑平豐西
那避顧行前者報大蛇來一揮七尺嫗哭哀赤帝
子斬白帝子此語疑信猶半哉龍門好奇乃有許
豈識天下歸真主寬明仁恕所以興項籍嘔嘔徒
嚇鼠至今大澤猶傳訛獨惜千餘年來非漢土

歌風臺

歌風千載稱高臺當年提劍起草萊天下大定還

過沛置酒樂擬登雲來何事涕灑英雄血遊子故

鄉悲往轍百二十人習和歌止張去聲三日從茲別

復沛不已復豐鄉雍齒之恨獨未忘卓爾想見興

王概詎止霄漢雲飛揚知人善任何與良叔孫制

禮明有方方回何獨為去聲信慨以慷烏號之挽寧

因鷺鳥藏信之反跡已明不得謂高祖寡恩故反

賀詩意並見近作反錢謙益淮陰侯廟

渡黃河有述

侵曉庭柯風勢颺登舟頓爾靜陽侯屢蒙

天貺昭

神貺自問何脩益勵脩波浪不生活水性隄防惟

固盡人謀南巡狩禮於焉歲獨有民情戀尚留

金鄉魚臺民以涸田得種謝恩詩以紀事

微湖昔倒漾數縣被災連金魚為尤重有釜常嗟

懸雖常豁糧賦豈似慶逢年昨從撫臣請為之疏

荆山金鄉魚臺皆瀕微山湖向苦湖水泛溢窪田

悉沒於水既穿伊家河增置韓莊壩插以殺

其勢甲申春復允撫臣崔應階請濬下游之荆山

橋以資宣洩數縣積潦田畝次第涸出民得藉以

耕種先是隄徐北黃流免泛川黃河至徐州而窄河

說聽漫水洩歸荆山橋以故河多淤梗微湖趨下
之勢不暢戊寅夏始於徐城北岸築土隄黃流乃
不旁溢湖水諸水得就下漸見有涸田迴舟溯運
得疏消無阻
河萬姓兩岸邊言謝汝固耳言慚吾猶然奚如豫
籌畫免此遭屯邇况慮去路多來源已覺艱漕渠
亦要務何非政所關微湖雖患其漲溢然漕艘北
上亦藉灌輸之利蓋洩多固
有益民田而瀦少又恐妨運道事誠展轉厘民瘼
有難於兼善者既慰之餘彌復厘念
事蓋鮮兩全

四月朔日作

舟動水流裏春徂夏又來何曾因閏駐且復喜雲

開霑澤壠芄麥涸田野不萊底須賞花柳斯實悅
心哉

過濟寧州

州城雄枕運河濱珠勒徐驅覲萬民總以平居恒

厯念那因初識始相親南巡迴鑾向從陸路茲始
御舟初過郡城萬民尤覺

迎權豁糧爾縱謝誠切前以頻遭潦沴凡低田受水
者皆與豁糧老幼聚集叩謝

登席吾猶愧是真李杜詩情高萬丈摘詞卽境却

逡巡州城內太白樓為賀李豪飲蹟城外南
池卽杜甫與許主簿遊處有少陵祠

登太白樓

南遊盛典 卷三十五
岩巖高閣俯城闈名字猶傳太白真善釀者汪信
知已舉觴惟賀是佳賓良辰漫惜方春餞勝蹟初
探返蹕巡禹戒常遵惡旨酒醉歌無事取斯人

題南池少陵祠

任城南郭有南池古蹟猶傳老杜祠喬樹那知春

已去閒庭不覺步前移何期此日仍瞻斗唐書稱昌黎文

泰山北斗吾於子美之詩亦云可惜先生未遇時却異東坡頻疊

韻南巡疊蘇東坡韻獨多斯人前豈易言詩

再詠南池四首

到處

平成仰

禹功崇碑五字厓河工康熙乙丑年建碑亭恭益殷

此日覲揚志敢曰

當年巡狩同

淙波一片澹南池樸室三間潔葺之筆研精良待
摘藻却吾今日畏言詩

詩仙詩聖漫區分總屬箇中迴出羣李杜劣優何
以見一懷適已一懷君

千秋遺蹟以誰芬咫尺城南靜不紛何事尋常許
主簿却教名字附青雲

題分水

龍王廟

清汶滔滔來大東自然水脊脈潛洪橫川僻注勢
非迂濟運分流惠莫窮人力原因

天地力河功誠擅古今功

人皆知分水為白衣老人
之力而不知實天地自然
結局勢於此眾不能識老人特能識之耳非但此
也上古聖人教耒耜作舟楫何一非因天地自然
之功由來大巧原無巧穿鑿寧知

禹德崇

北來

北來日日驗農耕夾岸農民喜氣迎麩麥秀齊惟
待實黍禾種遍已抽萌早知春澤高低被近覺炎
風塵土生畏雨情纔忘幾日旋去為望雨又何情

策馬過東昌府

南邦逢郡邑按轡便民瞻

南巡渡黃後即循川途
御舟惟過郡縣城郭必

遵陸策騎經行既覽閭閻景象兼
便民瞻就茲過東昌仍做行之運路茲經歷乘
舟肯已快策驄惟一例隨鐙更多添親愛不謀合

熙和著處覘平原攬城市光嶽俯樓檐光嶽樓居城之中重
檐高聳可以延眺為蹕路所必經因一
登覽則闌闔恬熙郊原豐沃燦然在目 共治二千
石益思慎選廉

登光嶽樓卽事

層欄傑構入雲區聳峙城中鎮四隅高下耕桑俯
沃野北南水陸接通衢虹光奕奕扶梁煥泰嶽巖
巖菴牖鋪長記短詩粗讀遍子安牛斗句曾無

光望為同為異區又稱東北據城隅一統志載望嶽樓在聊城

縣東北高矗雲表今名光嶽及閱東昌府志則光嶽樓在府城中而城東北隅又別有所為望嶽樓

者茲以巡蹕經行始知其舛百聞不
如一見紀載之不足信大率類此 從來多舛惟

冊府且自清遊歷箭衢魯仲連蹟亦在此城却喜閭閻頗繁

庶畧嫌屏展太陳鋪牧臣咨爾盡心者察吏安民

似此無

臨清舟次襍詠

南來一水貫城闔北去三朝川路循水路三程便至德州由陸

路旋 歷遍山東五十閘節宣深計緬前人

板閘洪波瀉呂梁云緣蓄水灌溪塘臨清設輓板二閘以節宣

南來之水舟行遞進上閘啟則下閘閉俗稱灌塘因其地勢建瓴蓄久而啟流頗湍急舟非牽挽不

能過也 因思天下本無事子美詩中道已詳

衡水西來挾濁漳滙川北注色微黃更無關鍵資

宣蓄過臨清則無順注乘流直進航

幾度溯洄復溯游通漕實藉古人謀善經理自足

輸挽冒險何須海運籌

雨 四月初十日

西風一夜無雨望侵曉誰知送雨來不似江南慮

過矣恰當夏首日時哉滿船畫意全含潤兩岸詩

情喜不埃過午欲晴霑二寸雅子蜀望又徘徊

曉涼

前朝劇嫌熱過雨頓生涼無定如斯幻有恒原是

常汀蒲梳霧氣隄麥浴曦光破冷屣屣坐從民渴

望償船首露坐夾岸老幼趨隨歡呼瞻仰入舫室民若失望憐其誠冒涼有所弗避也

御舟至德州仍命親藩恭奉

皇太后由川路迴鑾是日登陸卽事有述

登陸遄臻勅政機由川

願養奉

慈闈南巡典禮斯全備旬日

晨昏此暫違去轡未瞻柳稊苗迴鞭倏拂麥芒菲前
朝作雨微嫌少大需希資實粟肥

方觀承進棉花圖十六事各題其上

佈種

本從外域入中原

聖賦金聲實探源

皇祖有御製木棉賦備詳吉貝所自始及種植流傳民資温燠

實闡古今之秘

茲方觀承所進圖冊即恭錄

聖賦冠於冊首

種功資耕織燠黎元

灌溉

土厚由來產物良却艱致水異南方轆轤汲井分

畦漑嗟我農民總是忙

耘畦

芟密耘長遍野皋夏畦增此那辭勞白家少傳暝

寒中

去聲

但識加棉厚絮袍

摘尖

尖去條抽始暢然趨晴避雨摘炎天愛之能勿勞

乎爾萬事由來一理詮

採棉

實亦稱花花實同携筐婦子共趨功非虛觀却資
真用植物依稀庶子風

揀曬

納稼惟時棉亦成等差黃白辨粗精紛羅真有如
雲慶吉語猶占冬朔晴

收販

艱食惟斯佐化居列郵負販各紛如價常有定斤

無定

棉有定價而斤兩輕重則隨時贏縮斤以二
十兩為準豐收價平斤可得廿四兩價昂則
減輕負販分售斤
仍以十六兩計 巨屨言同記子輿

軋核

轉轂持鉤左右旋左惟落核右惟棉始由粗末精
斯得耒杵同農豈不然

彈花

木弓曲引蠟弦弼開結揚茸白氈成村舍比隣聞
相杵淨淨唱荅合斯聲

拘節

擦條拘節異方言總是斯民衣食源幾許工夫成
麗密紡紗絡緒事猶煩

紡綫

相將抽緒轉軒車工與縑絲一例加聞道吳淞別
生巧運輪却解引三紗

挽經

引羅卸絡理棉絲枝挂經牀較便其蹕路迎鑿多
婦女木杼每見手中持

布漿

經緯相資南北方南方皆產棉而估舶每南北往來互販或云北棉宜作經南棉宜作緯有相資成用者蓋風土剛柔不同故棉性亦異云藉知物性亦如強刷

紗束絡俾成緒骨力停勻在布漿

恭上機

豈止千絲與萬絲女郎徐自引伸之可知事在挈
端要諸緒從心無不宜

織布

橫緯縱經織帛同夜深軋軋那停工一般機杼無
花樣大輅椎輪自古風

練染

五色無論精與粗茅簷卒歲此殷需布棉題句厘

民瘼敬纘

神堯耕織圖

南巡迴鑿駐蹕御園之作

往還水陸六千里春夏推遷百廿朝望埭早無爭
色卉聽林已有試聲蜩對時展轉希膏雨勅政傳
宣覲庶僚

鳳舸仍遲到三日潞川欽溯一心遙

恭迎

皇太后駕至暢春園卽事得句

翟舫昨當駐潞河不眠數問夜如何策驄心切誠懽

迂扶

輦躬承

顧語和萱為去聲映階翠展葉榴如報節絳舒柯浹旬

依戀一朝慰繞

膝由來樂事多

南巡盛典卷三十六

天章 乙酉

記 跋 誌

荆山橋記

乾隆丙寅允尹繼善之請重修荆山橋越明年丁
 卯橋成而未有記丁丑壬午忽忽兩過之各有詩
 紀梗槩然亦未悉其肯綮為之記也去年甲申用
 崔應階議濬微湖下游乃復疏剔荆山以資宣洩
 茲自韓莊遵陸往徐閱河長橋所必經兼欲洞燭

源委因憑輿歷覽過北山口不一里許則逮橋之北梁兩旁麥田齊橋頂漸南田漸低見跨橋有隄高亦與橋欄齊以爲南岸矣至隄始知爲所除沙土積以成者實北隄也其內方爲正河果深濬露石橋中間十九洞未全過水夏秋盛漲頗足容河南之隄之梁之田以次低高與北同乃愕而吁曰有是哉橋之所以長圖容水也今束其中間爲河而兩垂之餘出者棄之隄外豈資容納之計乎然南北之田以次漸高者多與橋面齊平實亦無藉其橋之長如許也則有詩曰橋建苟非虛河疏功乃捐二者必居一於此矣因考張玉書爲邑人張膽作重修橋記引周禮雨畢治道水涸成梁云云乃知此地故爲沮洳之鄉橋之築一所以醜巨浸一所以避泥潦疊土爲路虞不固故發以石耳按舊橋長三百六十丈已屬過甚而重修者乃至四百八十丈是甚而又甚矣舊橋所費財二萬六千餘金今所增之石梁長未至一倍而所費乃至五萬八千餘金是倍而又倍矣是以詢之尹繼善則

南史卷三十一
稱承修者爲張宏運後以張家馬路工侵帑治罪
然督察之未詳自不能辭其責因思近有詠桃源
耕者句云斌豈欺予者蓋受人欺蔽非斌爲然尹
繼善卽其次矣然屢受人欺朕亦豈能以觀過知
仁自解哉傳云與其有聚斂之臣寧有盜臣此朕
本意也茲盜臣以他事抵罪則天網原未漏而旣
往不咎今亦仍置之弗問但記其詳悉如此使後
之復修是橋者不更張大其事冒帑干咎而已耳
雖然天下大矣萬幾煩矣必待目擊而後知其當
否一人之聰明所與幾何可不畏哉可不勗哉

南池書唐臣杜甫詩並誌

秋水通溝洫城隅進小船晚涼看洗馬森木
亂鳴蟬菱熟經時雨蒲荒八月天晨朝降白
露遙憶舊青氊

此杜甫與任城許主簿遊南池作也地因詩以傳
茲以迴鑿川途始經遂艤舟一遊愛其詩而不更
和輒走筆成七律題少陵祠並於落句致意焉因
思南巡蹕路所由江浙諸名勝凡東坡題咏者不

南巡盛典 卷三十六
下十餘所皆一再次韻且有三四疊者子美詩蹟止此一篇豈容恣然置之然曲彌高則和彌寡誠有未易幾及者予究心學詩多年箇中甘苦知之最深獨於老杜讓其精詣蓋得諸閱歷之餘非漫示謙冲也祠中舊有碑鐫杜詩二首爲明嘉靖間越人楊某書其名漫漶不可識東嶽雲峯起篇乃簡許主簿之作溷附南池誤矣因爲別立一石專書秋水篇刻之以誌數典所自

賜山東巡撫崔應階臨唐臣顏真卿書裴將

軍詩帖

裴將軍

大軍制六合猛將清九垓戰馬若龍虎騰陵
何壯哉將軍臨北荒怛赫耀英材劍舞躍游
電隨風縈且迴登高望天山白雪正崔嵬入
陣砍驕虜威聲雄震雷一射百馬倒再射萬
夫開匈奴不敢敵相呼歸去來功成報天子
可以畫麟臺

內府所藏裴將軍帖爲魯公真蹟之冠展玩之餘

愛莫能釋幾暇臨池凡數紙自覺未愜輒以分賜
諸臣此幅心摹手追稍有得處雖然孟頫謂昔人
得古刻數行專心學之便可名世子亦持此志於
弗諼云

題杭州府

行宮紫竹畫幅

紫竹頗不多見韻玉館外見之輒為寫生

直隸

匾聯

涿州

行宮聯

勒寒花樹芳遲發

向暖郊原潤逮耕

太平莊

行宮聯

獨喜惜陰澄靜照

更因稽古契遐心

無邊生意歸芳甸

有象清明繪野郊

絳河

行宮匾聯

頤志堂

展義齋

澹懷堂

四照亭

延月臺

涵虛舫

葆光洞

通淥橋

康衢敷惠澤喜洽畿南

樸宇適邨居塵清水北

土香階草纔蘇紐

風細盆梅欲放榮

半牕愛日虛而朗

南遊盛典 卷三十六 天章 六
一水護門湛且清

賜直隸總督方觀承聯

歲收卽是君臣福

民樂多緣風雨調

山東

匾大聯

賜崔應階臨顏真卿書裴將軍詩帖題額

壯其蔚跂

濟寧州仲子廟匾聯

賢詣升堂

三德達身修勇故不怠

四科從政事果則無難

少陵祠匾

蓋臣詩史

分水口禹王廟匾聯

溯源明德

敷土奠山川行所無事

分流導南北因其自然

分水口關帝廟匾聯

赫濯同欽

本正大之情放海而準

體神明之德如川斯流

東昌府光嶽樓匾

光嶽樓

臨清州無為觀匾聯

福佑津途

雙插節宣資利濟

三元調燮協寧居

萬年闡三公祠匾

績均加運

賜山東巡撫崔應階匾

績懋東邦

賜原任兩淮鹽運使盧見曾匾

德水耆英

三友聯芳

雙龍酌酒

韻林對發

湖濱快無魚鱖圖

天嶽對

東昌臥長嶽對圖

江南寺十庵詩圖

匾額聯

惠濟祠聯

天光水態披襟袖

岸芷汀蘭入畫圖

湖山入畫迎人翠

鳧雁當春得意鳴

長隄菴畫青連墅

新水漣漪綠映船

賜江南河道總督臣高晉匾

底績宣勤

天寧寺匾聯

省方設教

大雄寶殿

萬佛樓

商鼎周彝自典重

檻葩苑樹相芬芳

法淨寺十畝梅園匾聯

小香雪

竹裏尋幽徑

梅間卜野居

功德山匾聯

天池

淥水入澄照

青山猶古姿

倚虹園匾聯

致佳樓

花木正佳二月景

人家疑近武陵溪

淨香園匾聯

怡性堂

雨過淨猗竹

夏前香想蓮

趣園聯

何曾日涉原成趣

恰值雲開亦覺欣

石壁流淙匾聯

水竹居

靜照軒

水色清依榻

竹聲涼入牕

九峯園聯

縱目軒牕饒野趣

遣懷梅柳入詩情

高旻寺

行宮匾聯

菴畫廳

綠野農權在

青山畫意堆

寶應龍王廟匾聯

靈佑通津

宣節滙諸湖功兼濟運

往來資萬舸利在恬波

湖神廟匾聯

瀦流效順

一鏡展平湖蘋間波靜

千帆緣曲岸柳外風柔

賜原任順天府府尹臣程盛修匾

春暉延景

金山各匾

靜瀾堂

鏡治齋

妙高臺

寶帶名藍

風恬浪靜

焦山各匾聯

曠觀堂

高軼羣倫

春秋風月因心會

上下水天與目謀

波含靜渚心同澈

雲住高峯態自靈

岷水溯雄圖神依西蜀

焦峯冠靈宇目俯東吳

山水足清音賞尋物表

雲烟供靜寄妙契天倪

品泉亭匾

淙雲

寄暢園匾

竹淨梅芬

賜原任內閣學士兼禮部侍郎臣鄒一桂匾

畫禪頤壽

蘇州

行宮聯

居中攬外襟懷暢

擊轂摩肩職殖殷

獅林寺匾

真趣

圓妙觀匾

梵籟清機

靈巖

行宮聯

氣接鴻濛開遠勢

峯連青靄入高空

雲霞流麗東西映

天水空明上下鮮

遊目樂山水

甄心悟筦倪

賜先賢朱樂圃祠匾

道園養素

賜先賢文信國祠匾

正氣成仁

賜江蘇撫臣莊有恭匾

政成入贊

棲霞

行宮匾聯

鋪翠

停雲

夕佳樓

無礙搜奇披谷靄

有時延賞愛岩風

江寧

行宮聯

詩情詎花柳

樂意在農桑

賜浙江撫臣熊學鵬之父熊本匾

祿養延祺

...

...

行宮

...

...

...

浙江

區

杭州府

行宮

琅玕瀟照

韻玉館

梅香聞不厭

竹靜望偏深

西湖

行宮聯

表裏湖山含動靜

虛明今古印羲娥

霽見山容凝翠黛

風披水面皺冰紈

聖因寺匾聯

慈雲徧蔭

嶼雲連竺境

湖月證潮音

林端浥甘露

峯際現青蓮

勝果寺匾聯

勝果寺

阿閣禪枝

半嶺妙鬢垂翠微初上

曲江毫相印淥淨平鋪

理安寺匾

識安心竟

雲棲寺聯

水向石邊流出冷

風從花裏過來香

中天竺寺額

法淨寺

大佛寺額

大佛寺

鳳凰山匾聯

江湖曠覽

澄觀臺

花含春意冶

石戴古皴奇

敷文書院聯

正其誼不謀其利

明其道不計其功

六一泉額

六一泉

小有天園匾

入雲

留餘山居匾聯

流觀

鑿開石徑通雲徑

搜出真山作假山

安瀾園聯

筠含籟戛金石韻

花湛露霏錦繡香

尖山觀海閣匾聯

海濶天空

臺臨上下空無際

舟織往來波不興

賜閩浙總督臣蘇昌匾

惠孚海嶠

賜浙江巡撫臣熊學鵬匾

浙水風清

賜浙江按察使臣李治運之母張氏匾

萱榮頤慶

賜一百七歲遂昌縣訓導臣王世芳匾

覺席期頤

賜在籍工部侍郎臣范燦匾

耆英介景

賜在籍宗人府府丞徐杞匾

湖山香洛

臣謹按聖人吐詞爲經堯所則者天不可得

而名也而可名者文章夫子之聖在性道不

可得而聞也而可聞者亦惟文章蓋文章卽

天之表見亦卽性道之流行用能開闔造化

明麗日月而聖者之能事一以貫之矣我

皇上道統六經學綜萬古制作契乎苞符楷模垂

乎金石伏惟

屬車南幸疊煥

天章猶未及窺金聲玉振之大成也而喬喬皇皇

濬哲文明之全量得敬瞻萬一焉記曰作者之謂

聖述者之謂明燕趙齊魯吳越之間凡

聖祖寶翰所留靡不欽承於穆追配

前徽而河隄淮堰海塘諸什復敬念夫紹

庭休哉

作述皆聖作且因述而益彰也且天之經地之義莫

大於孝既思光揚

先烈亦必祇奉

慈愉則偕萬類以承歡胥炳於

璇詞玉宇中矣仰觀則雨風在念俯察則水土告

功於以救時幾闕茂育漸摩風俗激獎臣鄰

大而山川農穀細而卉木蟲魚悉於

憑軒省問之時卷阿伴奭之地斧藻而發揮之

一人寫其精微萬有歸其經緯則騫

奎壁而耀雲龍誠大哉之堯盛哉之夫子之鴻業

也煌煌乎丕天之極軌其疇能互之哉唐臣

劉禹錫曰慶霄在上萬物五色宋臣呂祖謙

曰聖人之文運以元氣之機軸裁以陰陽之

斧斤濯以江漢之波瀾揆以雲霄之黼黻要
未足備

文思之形容矣伏稽祥符纂錄自元首薰風而下
僅成數卷方今

時巡睿藻已不啻相倍蓰自此

黃屋常臨

德華日富按甲乙而循環編次則登山觀海其惟

孟氏子爲善言聖乎臣高晉恭紀

